




迎鑾日記




西陵類纂卷四十

劉瀨
孫瓦興寫

改過

第二次改令紀應選寫



稿原紀三鑿迎仲牧宋

西陂類藁卷四十九

商丘宋榮牧仲

迎鑿日記

康熙三十有七年



迎鑿日記



江寧巡撫都察院右副都御史加一級臣宋榮



康熙三十有七年冬十二月

六飛歸自關東時邊徼寧謐薄海宴安

皇上德盛化神庶務就理獨淮揚一帶河堤衝決

地方屢被災傷蒙

天恩汪濊蠲租賑濟至再至三萬民感頌永永無

既復念河工重在得人

特命直隸巡撫于成龍仍以兵部尚書總督河道

假以便宜行事。

寵命有加。其一切修防事宜。

聖衷久有成筭。非親為指授。未易底績。于是有明春

巡幸江南查閱河工之命。三十八年正月。准鴻臚寺咨。沿途各官着五十里以內迎送。准兵部咨。沿途安設塘站調遣扈從兵馬。准總督倉場咨。預備船隻。緯夫。准工部咨。預備木柴。准光祿寺咨。凡日用猪鷩鷄鴨等物。照時價採買。准禮部

咨

皇上所過嶽瀆。仍行致祭。時江南江西總督臣張鵬翮。

新命甫下。尚承讞秦中。未即蒞任。一應備辦及修理

行宮道路。皆萃臣犖一身。爰遴員分委。以按察使趙世顯董其成。諸費皆取給於官俸役食。毫不問之民間。正月二十一日。臣犖發棹吳門。涉江渡河。往來察視。二月初五日。會總督於揚州府。

鼓率屬員夙夜趨事恭聞

法駕二月初三日出京由水路奉

皇太后臨幸江浙於省方勵俗中曲盡晨昏定省之禮。

聖孝崇隆超越千古。臣等躬逢

盛典謹索筆於

龍旂豹尾間。按日紀錄名曰迎鑾日記云。

二月二十五日總督臣張鵬翮提督臣張雲翼

江寧巡撫臣宋犛安徽巡撫臣李鈞學院臣張

以上係序除擡頭外俱低一字

以下係紀俱頂格寫過口另行起口空一字

榕端鹽院臣卓琳總兵臣劉含高粱原及司道

諸臣於山東臺兒莊地方跪迎

聖駕

上張蓋坐船首望見督臣即問云聞爾偶病幾日

今已全愈否臣鵬翮奏云臣托

皇上洪福臣已全愈又云第三員為誰臣犛奏云

臣江寧巡撫宋犛又問第五員為誰臣榕端奏

臣學院張榕端是日

驛驛黃林庄鴻臚寺率臣等於

行宮前行三跪九叩頭禮。又蒙問總督身子全愈否。臣鵬翮奏云。臣已全愈。薄暮大風雨雪。

二十六日

駐蹕宿遷縣

二十七日卯刻啟行辰刻

御舟泊劉老壩

上乘馬閱歸仁堤。扈從者滿大學士。臣伊桑阿。臣阿蘭泰。在籍大學士。臣張玉書。戶部尚書。臣馬齊。兵部侍郎。臣喻成龍。工部侍郎。臣常綬。在籍

工部侍郎。臣李耕。太監。李王。傳

督撫隨

駕時督臣鵬翮復抱微恙。臣華遵

音隨行

上於馬上顧臣華云。宋華多少年紀。臣奏云。臣年六十有六。

上微笑云。健甚。途次侍衛馬武傳

音問巡撫齒好麼。眼好麼。臣奏云。俱好。燈下看文書。要用眼鏡。又問服甚藥。臣奏云。臣所服不過

尋常藥餌。因幼年多病。中年以來。時時謹飭。是以老年畧可支持。少頃又

問巡撫可將家世奏來。爾父大學士。及爾幼年侍衛一段。業已知之。不必奏。臣奏云。臣祖沾。以明萬曆朝舉人。為山東福山令。有惠政。伯曾祖纁。嘉靖朝進士。萬曆朝官至吏部尚書。謚莊敏。明史有列傳。此後官即署者尚有人。臣惟凜遵家訓。不敢負

朝廷。不敢負先世。時提督臣張雲翼扈

駕與臣聯轡而行。侍衛海青傳

昔問提督三江入海是那三江。提臣未及對。臣聲云。三江為黃浦江。吳淞江。婁江。今婁江湮沒無傳。所存者黃浦。吳淞二江耳。又

問何謂三泖。臣奏云。謂上泖。中泖。下泖也。又問有山否。臣奏云。其地有九峰。所謂三泖九峰也。峰為明處士陳繼儒故居。彼時頗多亭榭。今已蕩然。海青覆

昔少頃回云。

皇上說巡撫奏的是與昔日王鴻緒所奏同。又問御舟可至松江否。臣奏云自蘇至松。河路淺阻。泖湖又風浪可虞。臣雖未至。聞之頗確。午刻至黃河岸。

上用西洋儀器。驗視河堤。旋渡河。申刻至歸仁堤。復加驗視。

駕返。侍衛馬武於馬上傳

音。說巡撫曾閱過黃河幾次。此堤曾到否。臣奏云。臣曾同吏部尚書熊賜履。督臣傅臘塔。安徽撫

臣江有良。查過堤壓河占地畝。非查河也。前歲同督臣范承勳。漕臣桑格。河臣董安國。安徽撫臣陳汝器。查勘河。臣所題應修各工。至估計錢糧。係河。臣自行題准。臣原未沿河遍查。少頃又傳

音。巡撫是有年紀的人。又是有名望的人。家有何治河善策。即刻與中堂會議覆

音。臣隨向中堂云。河道關國計民生。最為重大。必歷任河工之員。將全河數千里情形。了然于胸

中。方可從長畫策。即匆匆看過兩三次。恐亦未能洞悉。况原未嘗遍歷。人臣貴乎無欺。臣實不敢妄對。中堂云。巡撫所奏。與我們所見同。隨覆

旨訖。

三十八日。

駐蹕清河縣。酉刻。

皇太后御舟自北來。

皇上親迎數里。文官督撫以下。武官將軍提督以

下。於河干跪迎。請

皇太后安。隨蒙

皇太后賜問爾等好麼。

二十九日。文武各官早渡河候

駕。因風大。

御舟暫停。傳

旨各官於南岸祇候。不得渡河而北。

三月初一日卯刻。

此奉

皇太后渡河。泊清口。大風雨。

迎鑾日記

上乘馬幸高家堰。臣等與諸大臣扈從。至關廟
少憩。

上命河臣于成龍、漕臣桑格、府尹臣徐廷璽。臣等
跪。

御座西。大學士尚書侍郎諸臣跪。

御座東。出河圖指示諸臣。諭云。河道關係重大。朕
親臨閱視。拯救民生。爾等有何善策。諸臣奏云。
皇上自有睿裁。臣等恭候

聖訓。

上云。治河一事。朕籌之最久。昨想有一法。說與于
成龍。成龍甚喜。今與爾等說知。大要以先治上
河。引水刷沙為主。反覆指示明晰。諸臣皆嘆服。
聖謀奇偉。臣等奏云。此法奇而正。上與神禹相合。
所謂行所無事也。

上又云。昔直隸巡撫沈朝聘。因百姓被灾。對之而
泣。朕謂爾不思所以拯救。徒泣何益。今與爾等
商議。正欲拯救百姓耳。諭畢。

上為欣然。薄暮還。

御舟隨傳

諭大學士伊桑阿阿蘭泰尚書馬奇^齊侍郎常綬喻成龍李枬總漕桑格總河于成龍協理河務府尹徐廷璽江寧巡撫宋犖員外郎赫韶斐登德費揚古等朕念河道國儲民生攸關親行巡幸由運河一帶以至徐州迤南黃河細加看閱黃河底高灣多以致各處受險又至歸仁堤高家堰運口等處留心細閱見各堤岸愈高而水愈大此非水大之過皆因黃河淤墊甚高以致節

年漫溢黃河若淤高二尺則水高二尺淤高一丈水即高一丈若治河單以築堤終屬無益如不將黃河刷深徒費錢糧且連口太直黃水倒灌兼之湖口淤墊以致清水不能暢流各河與洪湖之水如何得能敵黃若將清河至惠濟祠掃灣由北岸挑引入惠濟祠後入河而運河再向東斜流入惠濟祠交匯黃水如何得能倒灌朕欲將黃河各險工頂溜灣處開直使水直行刷沙若黃河刷深一尺則各河之水少一尺深

一丈則各河之水淺一丈。如此刷去。則水由地中而行。各壩亦可不用。不但運河無漫溢之虞。而下河淹漫之患。似可永除矣。朕意如此。是否爾等直奏。不得以朕旨為必是。朕亦是一時意見。亦不能保其必然。且攔黃壩灣曲。馬家港窄狹。雖將時家馬頭之口堵築。而黃水不能暢流。山陽南岸韓家庄等處險工。甚屬可虞。至於下河不必挑濬。如將上河修築堅固。則下河不治而自治矣。今朕念民生運道。親行巡幸。如不溯

本窮源。分晰條治。於民生何益。將來每歲加帑。高家堰等堤。堵築時家馬頭等口。徒致糜費錢糧。滄害百姓。今應將清口之西壩臺加添挑水。壩修築堅固。加長過於東壩臺。將清口安置裡邊。洪澤湖擇其水深之處。開直成河。使湖水流。出黃河灣曲之處。直挑引河。使各險處不得受衝。董安國馮佑。將河道廢壞已極。此各工程責令賠修贖罪。其下河現有積水。不得不引出歸海。將串場河射陽湖蝦鬚沙溝一帶挑通。引積

水流出歸海、其攔黃壩應行挑拆、時家馬頭暫緩堵築、俟黃水流定、汰黃堤築成之日、再將時家馬頭決口堵塞、至於歸仁堤、人皆稱係保護得明季皇陵、此俱係妄談、三四十里路之堤、如何護得明季皇陵、此堤之修、端因水漲之時、毛城舖等處發來之水、至歸仁堤攔回、仍歸黃河之意、此堤亦應酌量修築、至於運河之水、少有不濟、治之甚易、爾等係河臣、係爾等專責、若此治法一成、則河道可保無虞、如不然、另想別策、

務必將被滄州縣之水災盡除、方不負朕南巡救民之意、爾等若挑挖引河、其原有工程、仍照舊令各官修防、不可怠忽、俟挑完引河、黃水歸入故道、再將下河串場河與射陽湖涇河蝦溝沙溝、挑數處通流、使水歸海、至於邳州清河桃源安東山陽寶應高郵江都泰州興化鹽城等州縣百姓、困苦已極、如欲賑濟、而窮民不沾實惠、殷實之人、反得行其冒買、每一州縣、或截留漕糧一萬石、或截留數千石、比時值減價糶賣、

則窮民實有裨益、邳州差部官一員糶賣、其餘別處米石、責成總漕桑格、總河于成龍、同地方大臣、委令地方官糶賣、如此救治、諒百姓似不致流離、河道永無衝決、朕意如此、是否允當、爾等直奏、不得以朕旨為必是、爾等會同速議具奏、

初二日風雨未行、

上諭諭戶部、朕君臨天下、期於黎民樂業、各獲其所、凡興利除害之事、靡不舉行、蠲免賑濟之恩、

靡不下逮、比年以來、因淮揚所屬地方、疊罹水患、業已歲蠲額賦、調恤頻施、又動支數百萬帑、金、責令在河諸臣、於應挑應築之處、酌量修理、務使氾濫之水、滙歸入海、被滄之廬舍、田畝、盡皆涸出、用底幹寧、乃錢糧竟爾虛費、卒不能使積潦有歸、田廬未涸、民生未遂、朕聞之、惻然軫懷、值此四方無事之時、欲將一切修舉事宜、詳細指示、用是躬親臨幸、沿途審視黃河水勢、諮訪地方父老、比至歸仁堤、高家堰、量地形高下、

應挑應築已經一一明示河臣惟是被淹地方米價翔湧生計維艱朕目擊民依深用厯念着將漕糧截留十萬石于高郵寶應興化泰州鹽城山陽江都受災七州縣各留一萬石悉較時價減值發糶餘米三萬石着於邳州留八千石宿遷桃源清河安東四縣各留五千五百石亦較時價減糶此各州縣發糶之米着就近交與漕運總督河道總督邳州着遣司官一員前往監視再截留十萬石於揚州淮安各收貯五萬

石這應留漕糧不論何處米石着就近截留爾部即遵諭行特諭

初三日午刻至淮安

駐蹕總漕衙門萬民獻衣獻宴

溫諭不收
本爾等百姓之意朕知道了但朕從不收進獻

溫諭而進

初四日

駐蹕總漕衙門河道總督于成龍轉傳與大學士

伊桑阿阿蘭泰等奉

上諭直隸廣平府知府石佳彝年久操守好用度節儉着補授兩淮運使正項錢糧外伊每年應得之數留伊足用餘銀着解送河工兩浙長蘆兩廣河東福建此五處運使亦照伊應得之數留伊足用餘銀着解送河工倘有自己所得銀兩不發科派商人從重治罪

初五日卯刻啟行

駐蹕界首

初六日卯刻啟行大雨

駐蹕高郵

初七日卯刻啟行午後抵揚州府

駕入城駐蹕張氏民居

幸天寧寺

初八日

駐蹕揚州

上奉

皇太后幸天寧寺賜寺僧千金

駕還於行宮門首顧督臣鵬翮云爾病全愈否

臣鵬翮對云、臣已全愈、少頃賜臣鵬翮、臣萍御膳六簋、時萬民獻宴、溫諭不收、
初九日午後啟行、

駐蹕金山、

初十日

駐蹕金山、

十一日午後啟行、過鎮江、

駐蹕丹徒鎮、

十二日卯刻啟行、兩淮商人項鼎玉等叩閣、

求免加斤贏餘銀兩、奉

旨將商人叩閣本交與總督查議、又

上諭大學士伊桑阿等、商人叩閣本已經交與總督、爾等會同議奏、後叩閣者多、或交總督、或交巡撫、隨時查明覆

旨、晚

駐蹕常州、

十三日卯刻啟行、鹽城縣饑民蘇祥等五十五口叩閣請賑、隨給銀五十兩、諭令回籍、奉

上諭諭刑部朕愛養民生慎重刑獄凡有奏讞時示矜全茲鑿與南巡見沿途老穉男婦環跪歡迎心甚嘉悅念此編氓皆吾赤子原期生聚教訓共底善良其或陷於刑章致困囹圄改過無路惻然傷之所經過山東江南兩省見在監禁人犯除十惡真正死罪及詔款不赦等罪并官吏犯贓不宥外其餘自康熙三十八年三月十五日以前死罪及軍流徒罪以下已結未結俱着寬釋此朝廷巡幸所至欲使並生之至意可

通行曉諭令咸悉朕懷爾部即遵諭行特諭
上諭諭戶部東南為財賦重地朕時切軫念頻歲以來雖在邊塞用兵之際未嘗不早夜殷殷惓懷寬恤茲以中外昇平特事巡省并閱河工比至江南親察民間饑饉瘠之狀見淮南北地方疊罹水患深用惻然已經屢蠲屢賑仍命截留漕糧減價平糶其餘各州縣固市肆安輯耕鑿恬熙而額賦浩繁民生拮据歷年逋負積算日增合江蘇巡撫安徽巡撫所屬舊欠帶徵錢糧計

及百萬念小民方供新稅復急舊逋物力維艱勢難兼辦里井既多催科之擾官吏復滋叅罰之煩應沛特恩槩行蠲豁除康熙三十三年恩詔內已經赦免外其三十四五六年奏銷未完民欠一應地丁錢糧米麥荳襍稅爾部行文該督撫察明俱着免徵務飭有司悉心奉行俾窮簷蔀屋均沾實惠如有已徵在官詭稱民欠希圖侵蝕肥己者一經發覺定從重治罪朕深慮宮禁與巡歷方隅無非孳孳民事但使閭閻豐

足則國家裨益良多以此不惜蠲除頻敷德澤凡厥官吏軍民宜咸知朕意爾部即遵諭行特諭

中諭諭吏部朕以勤求民隱閱視河工特舉鑾輿巡省南服一切供御之費皆自內庭儲侍不下煩於有司而經過山東江南地方各官備辦夫船等項効力殊屬勤勞此等官員有因公註誤罰俸住俸降俸降級單職留任者着察明悉從寬免爾部即遵諭行特諭晚

駐蹕無錫縣黃埠墩

也奉

皇太后幸惠泉山秦園

十四日卯刻啟行、午後抵蕪州府

駐蹕織造衙門、臣榮進書畫數種、蒙收六種

臣啟奏、臣夙仰慕

御書、因遠違闕廷、未蒙

恩賜、今幸覲

天顏、敢冒昧懇請、移時侍衛海青捧出

御書仁惠誠民四字、云、叫巡撫看、好麼、臣跪瞻之

下見

元章煥爛、~~如~~雲漢昭回、晉人風韻、唐宋體格無備、
真集書法大成、為從古帝王所不及、但此四字、
臣不敢當、又傳

諭明日另書綾上用——寶賜爾、臣隨叩謝出、

十五日雨

駐蹕織造衙門

十六日雨

駐蹕織造衙門、侍衛馬武海青五十、太監李玉、捧

出綾書仁惠誠民四字

御書天馬賦一卷

御筆臨米芾書一幅

淵鑿齋法帖十冊

御製耕織圖一冊

御書懷抱清朗四字、云可做爾書房匾、又涼帽一

項、上級大東珠一顆、石藍龍緞^紬狐腋裘一件、元

青緞貂褂一件、石青緞羊皮煖靴一雙

上諭俱係朕躬現着、今解賜與爾、又賜鹿肉乾

八束、糟鹿尾六個、糟鹿舌六個、糟野鷄一隻、糟家鷄一隻、閩東羊二牽、孺子酒一瓶、太監梁九功又捧出竹柄白面詩扇一把。

諭云、此係朕征厄魯特時、在口外作的詩、與巡撫看、即賜與、又

諭云、爾做官好、故此賜爾、臣隨行三跪九叩禮謝、恩、伏念臣起家門廕、由侍衛外補黃州府通判、歷任理藩院、院判、刑部員外郎、中、陞任通永道、僉事、僅僅循分奉職、未有寸長、蒙

皇上破格陞授山東按察使、甫五月、陞授江蘇布政使、未及五月、

特簡江西巡撫、蒞任四載、調補江寧巡撫、不過潔已率屬、安靜守拙、今蒙

皇上曠代洪恩、頒賜多種、不但感激涕零、亦且媿而汗下、臣子孫衆多、異日分給世守、永戴

皇恩、臣惟有祇遵

聖訓、始終一節、以報一高厚於萬一而已、是日大學士伊桑阿等議得兩淮商人項鼎玉等叩

閣本內稱河東加斤、久蒙 恩免、長蘆兩浙加鹽
二十五斤、納課三分五分一錢不等、獨兩淮加
鹽二十五斤、納課二錢五分、將此加斤銀四十
餘萬兩、額懇酌免等語、但各處商人、加增鹽課
之由、并河東加斤、係何年奉

旨、豁免、及長蘆兩浙兩淮加鹽、均屬二十五斤、而
課銀輕重不等之處、檔案俱在戶部、現今無憑
查考、相應交部、俟回京之日、逐一查明再議、又
稱額外贏餘銀十五萬兩、額懇豁免等因、康熙

三十三年十二月部議加增各關差鹽差課銀
一疏具題奉

旨、這加增銀兩、俱出於該差官員所私得贏餘之
數、不得借端於定額外多徵、貽累商民、欽此、開
載甚明、並未令派商人、相應再行嚴禁、嗣後不
許私派、商人亦不得擅給、俱令巡鹽御史及筆
帖式、將所得贏餘銀兩解部、如有私派者、一經
發覺、從重議處、抑臣訪問兩淮相循弊端、凡行
鹽之處、督撫以下官員、俱有餽送陋規、江南總

督衙門陋規一萬兩、督臣張鵬翮蒞任、已經裁革、巡撫衙門陋規一萬兩、宋犖自到任至今、從不收受、通計各處所費銀兩數目頗多、將此餽送陋規、槩行禁止、亦不許商人擅自應給、庶商力充然有餘、而國課無缺矣、奉旨依議、奉

上諭、朕巡幸江南、經過沿途地方、見百姓接駕者甚多、路傍麥苗茂盛、恐其踐踏、該督撫遍行曉諭、不許百姓踐踏麥苗、又諭云、朕踐踏麥苗

幾莖、百姓諒也不惱、但恐衆百姓看朕、未免傷損者多、所以此番南巡、朕不輕登岸、亭午

上奉

皇太后幸虎丘

十七日雨

駐蹕織造衙門

十八日

駐蹕織造衙門恭遇

萬壽聖節

迎鑾日記

上諭免行禮、各官於行宮門外叩祝、自抵蕪以來、各郡士民赴行宮謝蠲租恩者、日以萬計、或獻宴獻衣、俱溫諭不收、瑞光寺元妙觀及鄧尉華山諸處、紳士商民僧道人等、皆建醮祝壽、內而扈從諸臣、外而各省將軍督撫提鎮司道諸臣、及在籍各官、多有進獻、
 上量收字蹟書籍文玩各一二種、隨酌賜、
 御書衣物有差者、民年至百歲內外者、各有恩賜、如九十一歲諸生褚篆、蒙賜海鶴丰姿四

字、九歲能書童子江弘文、蒙賜御書石刻千字文、及帑金二十錠、皆異數云、

十九日

駐蹕織造衙門

上諭諭吏戶兵三部、朕曠念東南民生風俗、特行巡省、兼以黃淮為患、親閱河工、比循歷堤堰、詳加相度、以疏濬修築之法、指授河臣、刻期興作、隨南涉江表、徧察民依、頃至蘇州府駐蹕、有浙江文武官吏、及在籍官員、迎謁於行在、言浙民

望幸之心甚殷且切、合詞諄懇、不啻再三、朕勉
狗輿情、揚旌前發、以三月十九日啟行、自出京
師以來、一切供御之需、皆已儲備、其沿途日用、
令該衙門照各地方時價採辦、一無所累於民、
如有官吏借名科派、致擾閭閻者、察實以軍法
從事、地方大小文武官員、與扈從官員、藉稱親
舊、私相餽遺、與受之人、及扈從大小官員隨從
人等、有橫行生事者、一并軍法從事、凡經過地
方、百姓各安生業、皆如常時、務令塵無廢市、隴

不輟耕、毋得惶懼引避、方今正屆農時、所過田
畝、勿令踐踏、其軍民人等、懷挾私怨、受人指使、
擅於駐蹕處所、輒行告訐者、一槩嚴禁、不准仍
照^衝叩哭儀仗例、嚴加治罪、爾部即傳諭扈從大
小官員人等、并行該督撫於各府州縣城市鄉
村、徧張告示、徧行曉諭、務令億兆通知、以副朕
體恤惠愛至意、特諭、太監李玉傳

昔巡撫寫的字、及平日詩文、取來看、臣啟奏、臣幼
年頗習字、中年以來、簿書鞅掌、草草批判、竟不

成字、偶作署書、及一二牋牘、皆臣子代之、至文章一道、臣不敢言、獨聲律之學、稍稍津逮、見有刻本、蒙

恩宣索、不敢冒昧進呈、容繕錄、另日覆

音、隨傳

昔爾子幾人、寫字者是何名、行幾年若干、曾做官否、臣奏臣子六人、見存者三、寫字者係次子至、年四十四、丙子科、順天副榜貢士、又傳

昔爾刻本詩、可即進來、不必繕錄、隨以臣所撰綿

津詩集二十二卷、恭進訖、辰刻

御舟出葑門、幸浙江、暮抵平望

二十日卯刻啟行、辰刻奏事存柱傳

命江南江西總督臣張鵬翮、江寧巡撫臣宋犛登舟、

上諭朕此番巡幸、見江南氣象蕭索、比前此不同、其何以故、臣鵬翮奏云、連日陰雨、百姓多著舊衣、似不甚美觀、其實地方情實、與前不甚相遠、又諭云、去歲吳中大熟、米價何以不賤、臣犛

奏云、吳中為江海通津、往來糶糴者絡繹不絕、從來米價不大貴、亦不大賤、又諭云、邇來此中吏治、與前不同、當年巡撫韓世琦、那樣貪婪、今日巡撫宋肇如此聲名、彼此相去遠甚、臣肇奏云、臣至愚極陋、筮仕之初、想望一方面而不可得、安知有今日、今蒙我

皇上千載殊知、屢

賜褒獎、臣非草木、敢不益加勉、臣到任以來、將種種弊政、漸次革除、如松江漕糧從前地方官

紳士民刻有公議、幫貼一書、其實公議即私弊也。臣嚴行禁革、焚其書、此後當不致復踵前弊。臣鵬翮奏云、臣到任、即與撫臣嚴飭地方官、第一嚴禁火耗、或加至五六分者、臣等即行題參、久之當有成效、又諭云、朕聞明季吳中富庶、與今不同、臣鵬翮奏云、臣生也晚、聞諸故老、皆云明季太監魏忠賢亂政、殺害忠良、緹騎四出、當周順昌被拿之日、有五人焉、以義憤毆死校尉、致罹慘禍、今山塘五人之墓是也、彼時民不

聊生。豈今

聖世之比。又諭云、吳人每日五餐、得毋以口腹

廢事乎。臣等奏云、此習俗使然、

上笑云、此事恐爾等亦未能勸化也。臣鵬翮等奏

云、地方有三事、臣等啟奏請

旨、

上云說來、隨奏云、恭遇我

皇上南巡、蠲免江南康熙三十四五六年積欠錢

糧、軫念淮揚被災州縣、截留漕糧二十萬石、平

糶積貯、加惠民生、萬姓歡呼、感戴

皇上浩蕩之恩、查有康熙三十七年淮揚被災、海

州高郵等九州縣、淮大二衛、經前任督臣范承

勳、同撫臣宋犛等會題、戶部議覆、照例免十

分之三、尚有七分未免、災民拖欠地丁漕項等

銀十九萬兩零、漕糧米麥等項共十一萬石零、

事關錢糧、臣等未敢請免、伏望

聖恩分年帶徵、以紓民力。奉

旨俱着免了。說與大學士、又奏稱蘓州一郡為江

南財賦重地、事務殷繁、知府缺員、伏乞

皇上選擇賢能之員補授、庶於地方有裨、奉

旨爾等將好官舉來、欽此、該臣等保舉江寧同知

丁易、松江同知石文焯、徐州知州孔毓珣、此三

員俱係好官、伏候

皇上欽定一員、

止云何人在此、臣等奏云、石文焯在此、奉

旨着將石文焯補授、又奏稱蘇松糧道所管錢糧

漕米甚多、係緊要之缺、今糧道劉殿邦係新任

布政使劉殿衡之兄、例應迴避、查有兩淮運使

劉德芳、做人老成、操守謹飭、才堪任使、雖陞陝

西糧道、但陝西錢糧少、蘇松錢糧多、更屬緊要、

伏乞

皇上將劉德芳補授蘇松糧道、庶人地相宜、奉

旨着將劉德芳補授蘇松糧道、俱說與大學士、傳

旨補授、見有于成龍啟奏補授兩淮運使之例、此

後不為例、臣等奏云、江南州縣原有調繁調簡

之例、但原定繁簡地方、今昔異宜、如吳江宜興、

當年錢糧多、不能完、近以全完議叙、長洲首縣

賦重難完，竟以地簡目之。似當另行酌定，以便題調。

上云：有治人，無治法。如爾等題來，朕無不信心處。正無庸改例也。臣等奏云：江南臬司趙世顯才幹優長，此番効力頗多。

上云：誠然。臣等又奏云：江南為財賦重地。以後藩司缺出，望

皇上將彭鵬補授。

上首肯。是日

天顏和霽。垂問慇懃。俾臣等下情一一詳奏。誠為非常榮幸。晚至嘉興皂林。

駐蹕。

二十一日辰刻啟行。抵謝村。

駐蹕。

二十二日辰刻啟行。抵杭州府。

駐蹕。織造衙門。

上諭諭戶部：朕因淮揚地方數被水患，躬臨巡省。目擊田廬淪沒之苦，深加軫恤。既截留漕糧以

濟民生。仍蠲除積欠。以舒民困。其昨歲淮揚兩屬被災錢糧。曾經該督撫具題。部議照例減免三分。今念百姓糊口維艱。安能辦賦。應破常格。用沛特恩。淮安府屬海州山陽安東鹽城揚州府屬高郵州泰州江都興化寶應九州縣。並淮安大河二衛。康熙三十七年未完地丁漕項等銀一十九萬有奇。米麥十一萬有奇。着全與蠲免。爾部行文該督撫。即飭各州縣張示曉諭。務體朕憫惻災黎之至懷。俾窮鄉僻壤。均霑實惠。

有不肖官吏私徵侵蝕者。察出定治重罪。特諭二十三日。

駐蹕織造衙門。雨辰刻晴。其稱謝進獻。賞賚與蘇州同。上幸雲棲寺。

二十四日

駐蹕織造衙門。其稱謝進獻。賞賚與蘇州同。辰刻。

上奉

皇太后幸西湖。乘舟循覽諸勝。

二十五日

駐蹕織造衙門。雨。午後晴。

上命直郡王誠郡王赴教場宴賞駐防滿洲官兵。

二十六日

駐蹕織造衙門。

上諭諭戶部朕以省方問俗巡歷三吳比至浙省見緣路農桑固徧隴畝而地有肥磽時有豐歉歷年正供錢糧因輸納維艱致多逋負雖已准

分年帶徵而新舊之賦取給於一時恐力作之民終難於兼辦應通行蠲豁以弘庥澤除康熙三十三年以前恩詔赦免外其三十四五六年奏銷未完民欠地丁錢糧米麥豆襍稅著一槩免徵爾部行文該督撫責令有司悉心奉行務俾均霑實惠如有官吏以完作欠詭辭侵蝕者察出定從重治罪夫朝廷頻賜田租所以優恤民力誠使閭閻之間人敦本業家有餘儲則藏富在民朕深嘉賴可傳示官吏軍民人等咸

知悉。爾部即遵諭行。特諭。

上諭諭吏部。朕項自江南巡歷浙省。沿途供御。悉經儲備。不以纖毫取辦閭閻。而地方官員料理夫船等項。一無缺悞。殊屬勤勞。此等官員。有因公註誤。罰俸。住俸。降俸。降級。革職。留任者。着察明。悉從寬免。爾部即遵諭行。特諭。

上諭諭刑部。朕巡視東南。行次浙省。因官吏軍民依戀誠懇。特留蹕數日。以慰喁喁奏請之情。獨念獲罪人犯。身淹刑獄。一千法網。無繇自新。茲

東輿經臨。惻然矜憫。用沛好生之澤。聿示格外之仁。該省各屬地方。有罪犯現在監禁者。除十惡等真正死罪及詔款不赦等罪。與官吏犯贓不宥外。其餘自三十八年三月二十六日以前死罪以下。已結未結。悉着寬釋。夫省刑寬罪者。朝廷之殊恩。守身奉法者。小民之常分。必使黎庶嚮風。咸知寡過。斯稱朕孳孳教育群生至意也。行文該督撫。徧傳所屬。張示曉諭。爾部即遵諭行。特諭。

上再幸西湖、御書西湖十景諸額、華以扈從、得涉湖山之勝、薄暮、獨坐冷泉亭、吸杯茗而還、

二十七日、

駐蹕織造衙門、

上臨教場、大閱滿洲官兵、

諭浙省各官隨

駕餘免扈

蹕、是晚中堂掌院諸臣傳述、昨晚奏事畢、

上評論各官云、如大學士吳瑛、總督張鵬翮、巡撫宋犛三人做官。朕可以無憂。

二十八日、

駐蹕織造衙門、

上由吳山三幸西湖、遣太監顧問行內務府郎

中皂保普院進香、賜御書匾額、是日啟行、因至民懇留、何、

二十九日

迎鑾

駐蹕塘棲

三十日卯刻啟行。晚

駐蹕嘉興府。

四月初一日還蘓州。

駐蹕織造衙門。

初二日

駐蹕織造衙門。

上諭諭戶禮二部。朕子育黎元、勤求治理、日孜孜以施德澤、厚民生為急務、而江浙二省、尤東南

要地、朕時切軫念、比歲以來、蠲豁田賦、賑濟凶荒、有請必行、無災不恤、雖漕項錢糧、向未蠲免者、亦曾經特旨蠲免、愛養之道、備極周詳、庶幾民生日益康阜、用是乘輿時邁、於視河事竣、巡歷江浙、諮訪民間情形、見淮揚一路、既困潦災、而他所過州縣、察其耕獲之盈虛、市廛之贏絀、視十年以前、實為不及、此皆由地方有司奉行不善、不能使實惠及民、所以小民雖懷愛戴之誠、而朝廷恩澤、卒未下究、朕目擊屢懷、亟思拯

恤。截留漕糧，寬免積欠，已另有諭旨。惟各鹽差關差，向因軍需繁費，於正額外令在差官員以所私得贏餘交納充用。今思各官孰肯自損私橐，勢必仍行苛取。商瘠民困，均坐此弊。着將加增銀兩一概停罷，以紓商民之累。其兩淮鹽課，康熙十六年曾加增四十萬兩，今恐商人辦課維艱，漸致匱乏。着減去二十萬兩。此外有應行應革事宜，朕還都以後，仍加商確，次第舉行。該督撫藩臬，皆地方大吏，亦着悉心體訪，凡有可

為民興利除害者，作速勘實陳奏。嚴革雜派，禁止刁訟。然後胥吏不能作奸，良民得以安業。倘官吏有悖旨妄行者，許商民首告。該督撫察出，即行叅奏。朕視民如傷，惟恐一夫不獲。其所值海寓昇平，兵革不事。正當與民休息之時。故特渙沛德音，減徵寬稅。以為閭閻留有餘之力。萬一嗣後別有急需，或不得已而稍議加增，想在小民亦能共諒。朕懷輸將之恐後也。至於江南浙江，人文稱盛，入學名數前已酌定增額。今

着於府學大學中學小學各增五名舉行一次以示獎勵人才至意爾二部即遵諭行特諭大學士伊桑阿等傳

旨廣西巡撫王啟元降四級調用員缺着將貴州按察使彭鵬補授又云鵬係骨鯁之臣必顧名節侍衛五十口傳

旨與大學士伊桑阿阿蘭泰原任大學士張玉書有吳廷楨文學屬優因冒籍革去舉人事情不甚大准其復還

初三日

駐蹕織造衙門卯刻

駕幸華山鹽城秦州興化等州縣饑民鄧美芝等

五十口途次叩閣請賑照賑饑例每名每月

各給米七斗五合後請賑者甚多俱

命臣等依此給發又奉

上諭百姓來接駕者恐踐踏麥苗着督撫再行曉

諭飭禁辰刻

御舟至高板橋進膳臣鵬翮臣等同漕臣桑格侍

麪俱應作
麪

岸上蒙賜御饌四盞內鮮茄一種又賜臣
鵬翮湯麪一碗云此麪甚淡然而有味爾以為
何如臣鵬翮奏云誠如
上諭又賜臣犖蒸麪點心一盤云此係北方麥
味較勝臣犖拜賜後與諸臣分嘗

又恩賜華山

御題為翠巖寺額

御製詩一首警蹕來初地青山鳥道深風生松壑
合雲暗石苔侵靜晝飛間蝶餘春噪晚禽空留

支遁跡物外托宸襟今次南巡凡名勝多荷

御筆留題如吳門雲泉菴改題為慧業寺

御書般若臺精舍扁額常州馬蹟山祥符寺改題
為神駿寺并

賜御製詩一首檻外青山縱目收繁花初落葉新
稠更教點染烟雲色添得窗前翠欲流

麻蒸特頒湖山增色矣

初四日

駐蹕織造衙門寅刻

上幸洞庭、命臣犖隨

駕、各官免扈從、午刻、舟抵東山、

上乘竹輿、至席氏園林、茶罷還舟、觀者擁道、

上命果不必迴避、時侍衛海青、傳臣犖至

御前、接叩閣狀、於稠人中踉蹌而前、帽為之墮、海

青向眾云、此老巡撫也、爾等須讓道勿推擠、

上望見、為且一笑、迨還行宮、漏下二鼓矣、

初五日

駢蹕織造衙門、

御製省方詩一章、東南農事已春深、菜隴花開滿

地金、獨愛小民勤力作、馬頭堪慰省方心、侍衛

馬武傳

昔原出京船隻、用夫若干、今回鑾、仍照數給發、如

有多要者、將姓名登記、亦不許私自多給、如有

私給者、查叅、說與督撫知道、是日傳

昔啟行、因臣民懇留、死住一日、

初六日

回鑾於望亭

駐蹕 賜扈從大臣櫻桃 臣犖分噉三顆
初七日過無錫 再

幸秦園 留

御書額 至常州府

駐蹕

初八日丹陽

駐蹕

初九日登陸

駐蹕 句容行宮

初十日抵江寧府

駐蹕 織造衙門 其稱謝進獻 賞賚與蘇杭同

十一日

駐蹕 織造衙門

十二日

駐蹕 織造衙門

止奉

皇太后幸報恩寺 先是寺塔毀於火 賜帑金重修 至是告成 御題匾九面 逐層懸挂

十三日

駐蹕織造衙門。遣兵部尚書席爾達、祭明太祖陵。文曰：維康熙三十八年歲次己卯四月庚子朔。越十三日壬子。

皇帝遣經筵講官兵部尚書席爾達致祭於明太祖曰：維帝天錫勇智奮起布衣統一寰區周詳制作鴻謨偉烈前代莫倫朕曩歲時巡躬修醑薦景其遺轍不圉成規茲因閱視河防省方南邁園陵如故睇松栢以興思功德猶存稽典章

而可範。溯懷彌切。奠酌重中。靈其鑒茲。尚期歆享。午後

駕臨小教場。滿漢諸臣咸集。

上率口直郡王 誠郡王 五貝勒 七貝勒

八貝勒 十三阿哥及內大臣侍衛將軍副都統以下各旗員提鎮以下各營弁依次較射馬步箭。

上弓勁矢棘無一虛發。臣民跪仰神箭靡不驚悚。王 貝勒 阿哥皆引發精熟技出天授。子

年阿哥正在冲齡、尤為嘆服

上還坐 御幄命牽 十三阿哥所騎皇馬立幄

前不施羈勒、令一人騎馬上、從鬣而下、馬為順其首、從尾而下、馬為低其尻、又分撲四足、令人從馬腹下出入、馬帖然不動、又牽一栗色馬示諸臣、骨竦神閒、屹如堵墻、

上云、朕三征噶爾旦、皆乘此馬、一時觀者訝為渥注天馬、申刻

駕還行宮

十四日

駐蹕織造衙門、辰刻

上親詣明太祖陵、酌酒三爵、還行宮、傳諭

旨、啟行、因臣民懇留、駕允住一日

十五日

駐蹕織造衙門、遣內大臣公福善、兵部尚書席

爾達、同總督張鵬翮、于教場閱督標弁兵、侍衛

馬武傳

昔御書治隆唐宋四字、發織造曹寅製造匾額、懸

挂洪武陵殿上、其陵有頽壞之處、交與巡撫宋
犖及曹寅修理。

十六日

回鑾

泊

燕子磯

東山寺
南門外
東門外

東山寺
南門外
東門外

東山寺
南門外
東門外

十七日

皇太后登陸

江行、晚會龍潭

駐蹕

十八日卯刻啟行

駐蹕金山

十九日

駐蹕金山

上、乘舟、舉網得鱒魚、賜寺僧五百金、浙閩總督

郭世隆覆奏兩浙鹽商方永昇等叩、閣請免

康熙十六年加增課銀六萬二千餘兩、奉

旨、這所增銀兩、着免一半、該部知道、

上諭、諭戶部、朕巡幸江南、徧察地方疾苦、深知民

間生計艱難故將通省積欠錢糧盡行蠲免所
過州縣有被災者俱經拯濟務俾得所茲鳳陽
府屬去歲潦災甚重是用破格加恩以示優恤
康熙三十七年該府屬壽州泗州亳州鳳陽臨
淮懷遠五河虹縣蒙城盱眙靈璧十一州縣並
泗州一衛未完地丁漕項等銀米着一槩免徵
爾部行文該督撫即飭該地方有司張示曉諭
令窮鄉僻壤咸悉朝廷曲軫災黎之至意如有
不肖官吏悖旨私徵使百姓不霑實惠者察出

定治重罪爾部即遵諭行特諭

三十日

駐蹕金山

御製閱河詩一章淮黃疏濬費經營跋涉三來不
憚行幾處堤防親指畫佇期耕稼樂功成賜
河臣于成龍

三十一日午刻至揚州

駐蹕張氏民居

御製巡歷江南示意詩一章財賦稱茲地時巡復
此經春膏宜豆麥烟景遍林亭靡麗風應換敦
龐訓屢形施恩頻已責聊爾翠華停

三十二日

駐蹕揚州。

上復奉

皇太后幸天寧寺、傳事存柱大學士伊桑阿等轉傳。

上諭、李宗孔先在給事中時、肯言事、因言事不合外轉、朕今至揚州、見彼八旬有餘、甚老、在彼後進者、俱得上進、而彼不得上進、可憫、任克溥因請封誥、隨憐其老、賜與、此亦與彼相同、應給與內陞京堂之名、彼得榮耀、爾等議奏、本日奉

旨、李宗孔給與給事中、應陞一級、又加一級、大理

寺少卿之職。加一級時傳

前、次日啟行、官民懇留未允。

二十三日己刻啟行、舟過灣頭、

上登岸、觀閘、與河臣于成龍、協理河務臣徐廷璽、計議良久、晚、駐蹕邵伯鎮。

二十四日抵界首、

駐蹕、存柱傳奉

上諭、諭江寧巡撫宋犛、朕今次前來、見金山寺避

風館二處、眾僧特設救生紅船在江、以救溺水之人、亦是他們好處、除伊等地、畝錢糧外、將一切丁銀雜派等項、今後俱着豁免。

二十五日

御舟過寶應、鄉民獻魚藕。

上收藕廿枝、至淮安

駐蹕

二十六日

駐蹕清口、日夕

上乘小船至洪澤湖、觀水勢、諸臣隨從、漏下一鼓

還

御舟

二十七日卯刻

駕臨河堤、親授河臣方畧、以杖畫沙示之、良久返舟、進膳畢、渡黃河、復往勘清河縣引河、過桃源、抵崔鎮、駐蹕。

二十八日

駐蹕宿遷縣

二十九日

駐蹕邳州之泇口。傳事存柱大學士伊桑阿等傳
旨。明日至江南交界。江南文武官員各回任。總
督張鵬翮仍往陝西審事。江寧巡撫事繁。總督
印務交與吏部右侍郎陶岱署理。張雲翼奏請前送。未蒙俞允。是日遣侍衛
五哥等往海州雲臺寺進香。

賜御書匾額。

五月初一日。江南文武諸臣於山東臺兒莊地

方跪送

御舟北上


十日

五日旋署。具奏謝

恩

西波類考卷四十一

孫華金校字




西坡類書卷四十一

劉

隱

過



西波類彙卷四十一

高丘宋學牧仲

迎鑾二紀

皇上御宇四十有二年

迎鑾二紀



江寧巡撫都察院右副都御史加三級臣宋學



皇上御宇四十有二年，無日不以加惠元元為念。

曩因河堤冲决，有關運道民生，屢荷

翠華巡幸，指授方略，自康熙己卯，回鑾後，迄今

壬午，又歷三載，值河工告成。

上允河臣張鵬翻疏請，今秋

親臨閱視，指示善後之策，臣聞

命趨迎境上，嗣奉

以上係序除擡頭
外俱低一字寫
以下係紀俱頂
格寫遇△則另
行起口則宜一字

諭暫停臣祇遵旋吳明年春再往恭迎扈從月餘
備荷種種

恩遇抽毫拂素撰續迎鑾二紀一卷

壬午九月二十四等日節准兵部咨調遣扈從
兵馬安設塘站准鴻臚寺咨文武各官五十里
以內迎送在籍各官免准總督倉場咨預備船
隻繹夫准工部咨預備柴炭准光祿寺咨日用
猪鵝等物照時價採買准禮部咨

皇上所過嶽瀆歷代帝王陵寢預備致祭准戶部

咨沿途喂養馬駝牛羊草束照時價採買

二十五日自吳門登舟迎

駕

二十六日舟抵常州准吏戶兵工各部咨奉

上諭諭吏戶兵工四部朕念黃淮兩河為運道民
生所繫屢次南巡親臨閱視以疏濬修築之法
指授河臣閉六壩以束淮散黃通海口以引黃
歸海比歲以來工程次第告竣修防漸有成效
去年冬月河臣張鵬翮曾以河工善後之策及

應修之處請朕親閱指示茲當農事之隙減約從員輕裝南下自徐州一路循視堤堰沿途皆設營幄不御屋廬日用所需悉已儲備經過地方一切供張宜通行禁止倘有官吏藉名科派累及小民或指稱預辦擅動庫帑察出定嚴加治罪地方大小文武官員與扈從官員託言親舊私相餽遺及隨從人等有妄行生事者俱以軍法從事閭閻百姓各事本業不須引避有懷挾私怨擅於駐蹕處所告訐者一概不准仍照

律治罪爾部即傳諭扈從人員並行各督撫於所屬府州縣徧張告示務令通知以副朕體恤民生至意特諭

十月初一日抵淮安會同督臣阿山分委司道府廳州縣各官誠諭勤慎趨事

初五日抵宿遷

初九日自宿遷登陸晚抵山東紅花埠

十二日接總漕咨十月初八日奏事存住來保傳與大學士馬齊

上諭朕乘冬月巡閱河工途中皇太子抱恙耽延數日今已全愈但身體尚弱宜加調理朕不便遽舍前往若再候數日起行恐河凍天寒水手繹夫未免苦累朕因此停往閱河江南官員各有職守不必越省迎接俱着回去來歲春朕巡閱河工應備各項俱着於來春預備可作速行文曉諭是日自紅花埠旋吳二十二日抵署
癸未正月初七日准兵部咨預備船隻於正月二十日到宿遷每日用繹夫六百名動正項錢

糧

初九日自吳門登舟迎

駕

二十三日抵宿遷會同總督安徽巡撫提鎮諸臣督催文武各官備辦迎

駕事宜

二十五日自宿遷登陸住桐峪

二十七日至紅花埠

二十八日至郟城縣

二月初一日子時內務府營造司郎中佛保到
郊口傳

上諭巡撫宋學有年紀的人不必遠接着回宿遷
祇候時將軍督提諸臣已先往前途辰刻臣學
同安徽巡撫臣喻成龍兩淮鹽院臣羅瞻狼山
總兵臣劉含高及司道諸臣於郊城北五里墩
跪迎

聖駕
上乘馬

皇太子四貝勒十三阿哥隨行

上望見臣學向

皇太子云此即宋學向臣云爾多少年紀臣對

云臣今年七十

上微笑向

皇太子云還健略問諸臣年歲即行申刻村舍
進膳

賜臣等迎駕各官御饌

駕將行一老年侍衛詣臣曰公宋巡撫耶余名鄂

羅年六十八

世祖朝侍衛與公同事守

孝陵多年今扈從南來

上命與公相見因握手話舊言貌依稀辨之

上乘馬方行鄂羅趨進覆旨

上為欣然鄂羅舊臣碩德

聖眷最篤稱馬法而不名薄暮

駐蹕崕崕

初二日五鼓放行午刻抵宿遷縣河漕督撫諸

臣扈從侍衛馬武傳

昔朕經過泰安新泰蒙陰沂州郯城等處見民有
饑色應急行賑救經過地方雖經賑濟蠲免錢
糧但州縣倉穀年久朽爛無裨于散賑着總漕
桑格將漕米留二萬石交與張鵬翮揀選賢能
官員運至濟寧兗州等處州縣減價平糶有應
賑之處即行賑濟再交米二萬石與桑格於泰
安一路散給又將收稅有力之官七員並發在
京旗民犯罪降級贖罪人一百名令伊等俱照

養蒙古例以所用之多寡分別議叙

上登御舟過中河登陸渡黃河閱堤工晚

駐蹕小桃源却居

初三日於黃河南岸隨

駕閱堤

初四日酉刻

御舟進清口停泊

初五日辰刻

御舟啟行亭午

駕進淮城

駐蹕總漕公署進膳紳士進詩賦或收或發還百

姓進衣進宴皆溫諭不收賜漕臣桑格

御書

召河臣張鵬翮進見面加獎勞

御製覽淮黃告成詩一首殷勤久矣理淮黃幾度

風塵授治方九曲素稱天下險四來實為兆民

傷使清引濁須謹慎分勢開疏在不荒雖奏安

瀾寬旰食誠前善後奠金湯賜鵬翮淮安道

府廳各官。賜御書有差。侍衛馬武等傳。安着總漕桑格。將今歲漕糧截留二萬石。運至泰安等處。被災地方。會同巡撫酌議糶賑。再動漕項銀一萬二千兩。交與侍讀學士殷特布等。賚往賑濟。薄暮登舟夜行。

初六日。過寶應高郵。

初七日。辰刻過邵伯。更樓奉

上諭。諭總河張鵬翮。此地舊日被災。形狀與今山東饑民無異。朕今日觀此地安居景象。豈忘山

東饑民乎。朕念運糧賑濟。關係緊要。乘今日順風。爾作速回清江料理。轉運漕糧。差官前往散賑。將抵揚州。一路商民奏樂叩迎。絡繹不絕。

駕幸天寧寺。

皇太子。四貝勒。十三阿哥侍行。各官扈從。

齋罷還。御舟晚泊塔灣。

幸行宮。凡進詩賦。照前或收。或發還。進衣進宴。照前。溫諭不收。

初八日。辰刻啟行。泊瓜洲。

初九日

駕幸金山天氣晴和

上遍為探歷

御書動靜萬古四大字

皇太子書水天浮玉四大字鎮江將軍馬三奇

請勒石山中

上命江南二巡撫暨現在扈從各官赴江天寺彌

勒殿觀御書時江寧將軍鄂羅舜副都統鄂

克遜鎮江將軍及副都統蔡毓茂趙玘江南提

督張雲翼同至

上南面據案陳設筆研綾紙

皇太子四貝勒十三阿哥侍

上命臣學作字臣奏臣幼學書未就筮仕多年草

草批判絕不成字偶作署書及牋牘恒令臣子

王代之曾於三十八年啟奏過今

天顏咫尺愈愧悚不能搦管安徽巡撫喻成龍亦

以不善書對提督張雲翼書

帝德如天四字臣學等奏云

皇上御書日月也。臣等燭火耳。恭請親灑宸翰。俾臣等跪觀有萬其幸。

上領之。遂草書程顥雲淡風輕一絕。又行楷用黃庭堅體書前詩一過。又行書。

花一聯。復作行書。舉生拳石草香散膽瓶。

命

皇太子 四貝勒 十三阿哥書

皇太子書雲裏帝城雙鳳闕一聯 四貝勒書

潮平兩岸闊一聯 十三阿哥書綠野明斜日

一聯 臣學等奏云我

皇上御筆集書學大成高出從來帝王之上非臣下贊頌所能盡

皇太子 四貝勒 十三阿哥 仰荷

皇上指授筆法咸入鍾王之室臣等於名山勝地

恭逢

聖主揮毫允為曠代奇觀伏乞

天恩頒賜墨寶臣學復奏云昔宋臣范成大蒙宋

孝宗賜石湖二字奕世傳為美談在孝宗不過南宋偏安之君我

皇上乃堯舜之主相去霄壤臣功業雖不及成大然遭逢之盛不啻過之臣家有別業在城西陂乞

皇上賜臣西陂二字壓倒成大不令獨有千古

上云此二字頗難寫臣對云誠然臣常求之善書者多不能書刑部尚書王士禎與臣同學常云此二字倘得

御書方為不朽盛事臣下情不勝顙望時諸臣競

進求書臣奏云臣老矣以齒當先賜臣

上笑云朕本好書爾求之甚力且爾七十歲人朕不忍却走筆作西陂二大字面賜臣臣叩頭祇受

上還行宮向侍衛云宋學放奏是有學問口氣少頃命侍衛海青將西陂字取入重書一過

賜臣復賜御製元旦七言律詩一幅賜安徽巡撫喻成龍除夕五言律詩一幅賜將軍都

統提督及布政使劉殿衡江常鎮道施朝輔鎮江知府王侃等各

御書有差羣臣謝

恩訖復賜素饌薄暮啟行泊京口

初十日過常州無錫

十一日未刻抵蘇州百姓奏樂叩迎喧闐數里金壇民譚近雅等叩閣請令原任知縣劉茂位清丈田地又有獻湖漕成案者請開練湖蓄水濟漕俱奉旨交臣學查議吳縣人倪喬監生江弘文獻詩

上命大學士張玉書祭酒孫岳頌暨臣學仝閱覆

奏臣等奏云弘文詩雖未成青年可造商用韻

雜亂上命發還

駐蹕織造衙門江南督撫進蔬果百種不收凡獻

詩賦照前或收或發還進衣進宴照前温諭

不收紳士商民僧道於瑞光寺元妙觀及各名

山建醮祝壽賜將軍督撫提鎮御饌此後

駐蹕蘇州諸臣每日兩蒙賜饌臣學又蒙

特賜御饌一次又

圖

特賜御厨點心八種

十二日

駐蹕織造衙門辰刻 幸虎丘申刻還行宮

御製虎丘詩一首秀壁名吳水懸蘿接紫霞仁風
期大吏厚俗止紛華停輦輿情問開軒畎畝賒
笙歌陳勿用意使盡桑麻侍衛海青馬武奏事
存住捧出

賜臣犖並

賜御製督撫箴一幅

上諭云爾在此做官多年安靜和平 特以賜爾

虎丘詩中意爾會得麼 臣犖奏云 臣至愚極陋

承乏此地多年毫無善狀蒙

天語褒獎感愧無地伏讀

御製虎丘詩仰見我

皇上敦樸戒奢移風易俗 德意流露行墨間 臣

不才敬當奉揚

仁風聿觀

聖化時隨

駕迎

駕及在籍各官多有進獻

上量收一二臣學恭進

萬壽詩七律百韻一冊並進家藏書畫數種蒙收

萬壽詩及書籍墨蹟六種又進

皇太子蒙收未玩書畫五種

十三日

賜臣學哈密瓜三個哈密瓜乾一盤西域六稜葡

萄一株西域公領孫葡萄一株

駕幸浙江傳

昔巡撫宋學免隨駕

十六日赴平望接

駕

十九日晚

駕自浙回舟泊王江涇

二十日丑時

御舟過平望午刻

駐蹕織造衙門吳縣民錢廷勰等叩閭請將原

任吳縣知縣今陞廣西上思州知州梁鳳翔仍留原任奉

旨交臣犖查議江南督撫進宴百泉收分賜從官

上諭諭大學士馬齊張玉書朕至浙省將浙省原任堂官翰林官員有因公呈悞革職降級年六十以上接駕者俱着給還原品今至蘇州着將原任堂官翰林官員內有因公呈悞降級年逾六十以上者查明具奏伊等俱已年老幸遇

朕巡視着將原品給還臣犖准內閣咨查有原任詹事府衙門左春坊左諭德秦松齡翰林院檢討降補行人司行人馮勗翰林院檢討降調潘耒翰林院檢討徐鉉等四人具摺開列付奏事存住等轉奏本日奉

旨着各給還原品臣犖覆奏金壇縣前令劉茂位原以貪劾去任毋庸令其清丈田地譚近雅等依律治罪又奏丹陽練湖舊有蓄水濟漕之說今湖久已淤塞開墾成田不必更張俱奉旨

依議臣等奏為糙米折價維艱荒田開墾匪易
謹具摺奏仰祈

聖裁事一為蘇松常三府屬白糧向係雇船裝運
全書編有運船飯米一萬七百餘石迨白糧改
於漕船帶運部議將飯米照依改折白糧事例
每石折銀一兩五錢解部但此項原係編徵糙
米今令州縣照白糧折解定價與時值懸殊又
江蘇等八府州屬漕糧向例正米耗米每石概
給贈米五升續經部議耗米不准給贈每年計

有減存米二萬餘石部定每石折銀一兩二錢
亦與時價過昂康熙三十五年以前之米先經
題准將本色搭運其三十六年以後部議復令
折解殊滋苦累恭請

聖恩准將減存飯贈等米仍於漕船搭運以實
天庾一為淮揚二屬鹽城高郵泰州興化寶應
五州縣及歸併鹽城所水滄版荒田地二萬三
千餘頃今已漸涸惟是前項田地係康熙七年
河決冲滄至康熙二十九年涸出比因積滄日

久難於開墾及三十二年復被水沉經前督臣
傅臘塔於謹陳淮揚年久版荒等事案內會題
奉

旨蠲免錢糧俟水涸開墾起徵今雖陸續涸出但
淪沉三十餘載之地草根固結耒耜難施且原
主已不可問必須招徠墾種若起科期迫欲墾
之人觀望不前

國賦反致虛懸合請
睿慈俯寬起科年分容臣督令地方官分晰確查
除未涸者仍俟每歲委員查勘外其已涸見在

有人承墾之田定限三年之後起科若雖已涸
出佈種乏人尚須招徠承業者定限六年之後
起科俾小民樂於趨事盡力耕鑿按年輸賦仰
戴

皇恩無極矣事關國賦民生臣謹具摺啟奏恭
候

聖裁以便另疏請旨施行奉
旨回鑾後具奏

接寫

蒙頒發

御製詩二集 命臣犖照式刊刻

三十一日

皇太子幸鄧尉華山支硎諸名勝

上賜臣犖

御書清德堂額又 命臣撰官箴三命凜家學一

經傳對聯並書以賜又賜闕東羊二牽奶
子酒一瓶鹿肉乾二種鹿舌鹿尾魚乾風羊肉
糟雞等物臣學覆奏原任吳縣知縣梁鳳翔居
官素優但陞員無保留之例不便准行奉
旨將原呈人逐釋傳諭明日啟行官民跪請留
駕允留一日命督撫藩臬各將藏書目呈覽
時督藩臬諸臣皆無臣學進西坡藏書目一冊
計數萬卷皆尋常書籍無甚秘本
上覽過云今日冗甚不及細覽可暫發還

二十二日

上命隨

駕各省督撫以下州縣以上各官俱寫字進呈
大學士馬齊張玉書監閱取駕幸浙江臣學
蒙優老殊恩命於吳門祇候敬賦一律即書
以獻隨刊績奏幸南邦翠蓋華芝泛大江吳
越韶光開輦路湖山秀色入船窓湛恩汪濊
康衢頌
睿藻續紛藝苑降白首重蒙

優詔及自憐遭際近無雙

上覽過將各督撫及江蘇布政使劉殿衡所書發
內閣存案餘俱發還 賜蘇州及沿途効力文
武大小各官

御書有差在籍各官求

御書 命各寫字呈一覽擇而 賜之督撫司道
各官求

皇太子書 臣犖蒙 賜恭臨

御書唐句一幅

命侍衛馬武內大臣管鑾儀衛事阿靈阿考驗江
寧撫標遊守千把各官

二十三日

上駐蹕蘇州辰刻 臣犖蒙

召至行宮別殿

上據案東向 臣跪 御座傍北向

上命近前云巡撫氣色很好 臣對云 臣蒙

皇上天恩眷注 臣氣色自當好

上云巡撫有何養生秘術 臣對云 臣並無養生秘

術

上云氣色何以如此好。臣對云臣幼多病因而慎起居節飲食中年病少減晚年頗覺清健風水之說或有之。臣曾祖暘年九十有四黃髮兒齒族人常有壽至八十九十者。臣叔森今年八十五起居飲食如常。臣蒙

天語垂問或多活幾年未可知

上哂之又問爾服何藥。臣對云服八味地黃丸六君子湯又問用人參否。臣對云用人參多不過

三錢

上頌太監李玉云取好人參賜與

上云爾為巡撫朕不曾聞人說爾有異樣好處自江西調任以來安靜和平且蘇州何地十二年未嘗多出一事來朕到此無一人說爾不好爾真是好官深得大臣之體。臣對云臣生明末中原大亂八歲陷賊中匿一蘆席下賊以鎗刺席颯有聲幸不及。臣是天留。臣為

聖朝大馬也順治四年三月奉

上諭諭吏兵二部國家當開創之初文武大臣俱為國宣力在京三品以上在外總督巡撫提督總兵各送親子一人入朝侍衛察試才能授以任使時臣父權官國史院大學士臣年十四三遵諭入侍曾記一日侍宴中和殿蒙

世祖章皇帝賜臣珍果十二盤臣叩頭謝恩畢取一二品置懷中

世祖望見問曰爾意云何臣對云臣祖母丁今年政七十臣將携歸與祖母嘗之

世祖聞而色喜云此後任爾携帶臣祖母及舉家蓋終歲飽天厨也臣幼蒙

先帝恩遇如此及臣之壯也蒙我皇上破格簡拔敷歷中外濫竽旄節今又得瞻觀皇太子臣何人斯遭逢之盛無以加矣臣昔在江右四載不過潔已率屬毫無建樹蒙

天恩調撫江蘇等處臨行萬姓遮留兩泣臣亦淚下霑襟即今江右人過臣家必望門下拜臣家人偶過江右餽遺飲食不絕足見江右人情之

厚。臣初至吳門，人多不信。浪傳臣被盜失金珠甚多。後臣奉

命同吏部尚書熊賜履、兩江督臣傅臘塔赴淮安查堤壓河占地畝。二臣偶以此事問臣，臣不勝愕然。迨歸署，適值講鄉約之期。臣遂於公所笑語士民云：昨聞此間喧傳本院失去金珠，請與爾士民一熟計之。若係家間金珠，何必携來署中收藏？若係吳門屬官所餽，或在一二年後，老鼠同眠亦未可定。乃本院蒞任方一月，無向屬

官索金珠之理。即索亦未必敢送。是此金珠必江右物矣。何以江右之民愛本院之深，耶衆為笑謝。今十二年之久，皆深信與江右無異。兩淮鹽商每年陋規餽巡撫萬金。臣自江右至今計十六年，槩未受。各關差有應餽五千金，或三二千金，臣俱不受。紬緞食物間受之，司道亦然。近苦無柴，擬向知府要。此臣實情也。若布衣蔬食，臣舊家子，有所不能。臣不敢自欺，以欺

皇上

上笑云朕皆知之

上問地方官某某臣俱以實對又問蘇州知府何如臣對云知府石文焯係三十八年

皇上南巡前督臣張鵬翮與臣面奏蒙恩陞授之員到任來實心任事頗為稱職今日閱印抄文焯以盜案降一級調用業經奉旨惟是文焯有加二級不知部臣何以未會抵銷臣請

皇上寬恩留任庶於地方有裨

上云爾即具摺子來臣奏云臣今年七十原擬疏

請休致因聞

聖駕南巡故中止恐致仕後不能再覲

天顏也今臣仰瞻之願已遂欲懇

天恩放歸林下伏候俞允以便具疏

上云爾精力尚健不必陳請臣對云貪位慕祿人臣所戒但既蒙

皇上如此弘恩臣何敢復請謹勉供職或一年或二年實上衰憊再當疏請倘遺悞封疆臣罪滋大至任子為近世所輕

皇上用臣原屬非常曠典

本朝國史自當明書某年月日

上以宋學為巡撫臣惟冀某年月日宋學致仕去

俾臣為

聖世完人足矣語云行百里者半九十蓋言晚節

末路之難也臣在江右曾寄一緞與臣妻臣妻

駭甚曰家間有之何庸此臣子至舉人赴京會

試曾於三十八年蒙

皇上垂問又子致姪起皆候補道員幼子筠原大

學士李天馥之壻亦舉人赴京會試皆頗知自

愛不事奢華臣妄取何用若埋多金於地自喪

生平臣不為也臣曾伯祖纁謚莊敏為明吏部

尚書與海瑞齊名臣祖沾為山東福山令頗有

遺愛至臣父權官愈大心愈小家訓最嚴臣每

荷

皇上一番罷卷即加一番凜惕不但以負

朝廷為懼兼以負祖父為懼也臣蒙

皇上高厚隆恩不啻家人父子用敢披瀝至此

上微哂首肯。臣奏畢趨出。方至戶外。聞

上語侍臣云。巡撫啟奏甚好。即刻侍衛海青五十。

太監李玉捧出貂帽一頂。團龍緞袍褂一襲。人

參三觔。

賜臣。臣昨曾求眼鏡。今五十捧出綠端玻璃眼鏡

一枚。竝賜臣云。

上以備用者不佳。即以

上所現佩者賜爾。皮套上用金線繡四篆字。粧飾

精絕。凡為奇珍。臣隨行三跪九叩頭禮謝。

恩祇受訖。官民再請留

駕未見。

御製詩一首。癸未春二月二十日自杭回至蘇州。

是夜雨。二十一日。朕欲北行。地方大小官員百

姓留住。二十二日。雨甚。再留不能起行。二十三

日。雨晴。又欲留。故書懷以示踟躕。星夜兩河工

。又至吳鄉。船趁風。春雨。姑蘇留豹尾。黎情江浙

戀青驄。翠華景從無雲蓋。徧覆時巡有折衷。不

意龍蟠虎踞勝。豈因景物雜謙冲。又

御製巡省江浙見閭閻稍有起色示諸臣省刑愛
民詩一首巡方不用駕樓船白舫蘭橈問市塵
和氣成春知歲稔清風布澤愛時妍齊民但示
蒲鞭辱報國應同竹節堅莫恃才名輕庶物冥
冥中自有青天已刻

駕行晚泊滸墅闕

二十四日過無錫

華秦園晚泊常州白家橋

二十五日過常州丹陽抵鎮江

二十六日辰刻自鎮江登陸往江寧常熟民華
時雍等叩閣請移滸闕於無錫收稅句容民
胡聖齋等叩閣請將革職知縣白良瑄留任
俱發臣等查議薄暮抵江寧

駐蹕織造衙門

二十七日兩

駐蹕織造衙門凡獻詩賦照前或收或發還進衣
進宴照前溫諭不收賜將軍督撫提鎮
御饌賜督臣阿山御書命江寧府縣各

官寫字進呈隨發還各賜御書有差臣學
覆奏華時雍胡聖齋叩閣二案照律擬罪奉
旨依議

皇太子幸報恩寺

二十八日卯刻

聖駕仍由陸路返鎮江

遣

皇太子詣明太祖陵酌酒晚大雨

駐蹕金山臣學具摺請將蘇州知府石文焯留任

奉

旨石文焯着照該撫所題留任該部知道

御製登金山望長江七言律一首烟雲清處曉霞
飛萬里溜上映紫微靈液渺茫浮淑氣孤峰崒
崒照晴暉花翻浪擁疑天色風動帆張共德威
晝夜如斯莫間歇體乾勉已識璿璣賜督臣
阿山勒石山中

二十九日辰刻

幸焦山午後渡江泊塔灣幸行宮男至會試中式一百十八名

三十日啟行經揚州夜過邵伯

三月初一日辰刻經高郵夜過寶應

初二日過淮安賜漕臣貂帽龍紋緞袍銀鼠

緞褂各一至清江浦

上乘輿往高堰勘堤

駐蹕闕帝廟河臣進宴王賜從官

初三日辰刻

上登舟往六壩閱工晚回闕帝廟王

初四日自高堰還清口進膳賜督撫御饌

上乘輿由河南岸抵桃源渡河夜行

初五日抵宿遷登舟

初六日過邳州黃林庄入山東界夜行

初七日黎明過夏鎮辰刻江南文武各官於梅

林間跪送

聖駕

上停舟命將軍鄂羅舜督臣阿山漕臣桑格登

舟面加訓諭將軍漕臣退

命臣等及安撫喻成龍登舟臣等以次跪

御座前

天顏和霽云朕此番南巡看江南風景比三十八年大好了臣等奏云江南地方屢蒙

皇上破格優恤元氣漸復萬民感戴

天恩大有熙皞氣象

上云督撫大吏只要安靜和平地方便受福桑格原無異常才能却安靜和平深得大臣之體如自負清廉遇一小事便搜求無已民何以堪宋犖久任劇地亦安靜和平民心悅服深得大臣

之體喻成龍才品最優但要戒性子為主臣犖

等奏云臣等蒙

皇上如此優容訓誨敢不刻骨銘心仰答

高厚

上問一二屬員臣山犖俱以實對又問海州知州

陳鵬年居官何如臣犖對云居官好

上又云從前漢軍督撫題叅多係漢人漢人督撫題叅多係漢軍這都偏了以後摠要從公九經朕簡用或薦舉之員一有改操即當糾劾不可

寬假臣等對云

天語仁至義盡臣等敢不凜遵臣等退

命提督張雲翼上江布政使趙世顯以次進見二

臣出賜二將軍提督各緞袍褂二貂帽一

賜狼山總兵劉含高緞袍褂二四臣謝恩畢

諸臣跪送

御舟北上

十七日旋署具奏謝

恩

西波類彙卷四十一

孫品全校字

卷之三

李子燦
徐承泰


改造

第二次全永祿寫

西坡類書卷四十二

迎鑿三紀





西陂類彙卷四十二

高丘宋犛牧仲

迎鑿三紀

兩河底績萬世永賴

迎鑿三紀



兩河底績萬世永賴自非

聖謨獨運曷克臻此康熙四十四年正月

上以清口一工雖經告竣尚須親臨察驗用籌善

後之策又山東^海饑之民兩年賑救得所果否

殷阜應加周覽二月

乘舟南巡因江浙望幸最切爰舉省方大典臣衰
年久任封疆今三次迎

江寧巡撫都察院右副都御史加三級臣宋犛



以上係序除擢頭
外低一字寫
以下係紀相頂格
寫遇△則另行
起口則空一字

鑿蒙

恩獨渥榮幸之餘繼以戰粟敬撰迎

鑿三紀藏之家塾俾奕世子孫知此日遭逢之盛云
二月初五等日節准總督倉場咨預備船隻准
兵部咨預備緯夫安設驛站准鴻臚寺咨文官
五十里以內接送武官一百里以內接送准工
部咨修理橋梁道路備辦柴炭准光祿寺咨猪
鷄等物照時價採買准禮部咨經過地方應致
祭嶽瀆歷代帝王陵寢照例預備

初八日准吏戶兵工各部咨康熙四十四年正
月二十三日奉

上諭諭吏戶兵工四部朕屢念民生加意河道屢
行親閱一切疏濬修築事宜悉經周詳指畫獲
告成功前黃河之水往、倒灌清口者皆由仲
莊開與清口相對駱馬湖水勢湍急遂逼黃流
灌入清口朕視河時躬臨相度命河臣移仲莊
開政建于楊家莊出口工竣之後河臣報稱黃
水暢流入海絕無倒灌清口之患朕尚未經親

閱今欲特蒞其地察驗形勢用籌善後之規其中河黃河運河有應加修防者亦隨宜指示以圖經久至于山東省荐饑之民賴兩年來極力賑贍繼以有秋幸皆得所其民間生聚果否殷阜并于沿途親行周覽焉乘茲仲春解凍從輕裝循河南下往返皆用舟楫不御室廬經過地方不得更指稱繕治行宮妄事科歛其日用所需俱自內庭供御從無纖毫取辦于民前此屢次南巡閭閻皆所深悉倘有不肖官吏藉名

預備擅動官帑並圖日後加派補償以為巧取侵漁之地者事覺嚴行治罪決不寬宥所在官吏私覬覦從人員及隨行人役生事擾民者俱如前旨以軍法從事奸民挾私控訴者從重生罪爾部即通行傳飭仍令該督撫張示徧諭俾小民咸知朕意特諭

初十日自吳門登舟迎

駕

十二日過無錫蘇織造李煦家人自京回南賈

皇上賜臣

御書除夕詩一幅傳

昔巡撫是有年紀的人朕特賜御書御製詩一幅

巡撫見此詩即如見朕一般隨望 闕謝

恩祇受訖

御製詩辭舊迎新歲事終未知來日與今同平生

惡酒難堪飲一世勞心不計功滿座兒孫教樂

善數班鴛鴦勸和衷此宵家宴逢除夕須遣紛

紆靜守中

二十二日抵韓庄間衣都額真杜龍格等口傳

上諭自韓庄間往徐州回至宿遷上船預備馬匹

修理道路

二十九日抵山東仲家淺准

行在兵部咨奉

旨停往徐州

三月初一日仲家淺北十里同江南將軍鄂羅

舜馬三奇總督阿山副都統鄂克遜達爾花蔡

毓茂趙珩提督張雲翼安徽巡撫劉光美學院

張廷樞總兵劉含高穆廷斌及司道各官跪迎
聖駕鴻臚寺啟奏內臣李玉傳

旨知道了晚泊南陽鎮

賜將軍督撫諸臣克食傳

旨接駕各官明日行禮

初二日

御舟將行將軍督撫諸臣在岸侍立

皇上在御舟開窓問宋犛多少年紀臣跪奏云臣
七十二歲

上笑云還是好好的即開船晚泊赤山接
駕各官行禮臣進

皇輿表樣本二部

上云刻得着實精太好了錦套一部留覽綾套一
部送與

皇太子

初三日

上賜臣及山東巡撫趙世顯克食又

特賜臣上用麵一碗

命

皇太子分賜自京隨

駕大臣菓品開船泊韓庄閘

初四日自韓庄閘開船

上見臣在岸行走傳

旨巡撫係有年紀的人兩岸高不便上下以後坐

船在御舟前行以備宣召晚泊丁廟閘

初五日大風雨雪

御舟未行

上諭山東巡撫趙世顯朕為兩河告成特來巡視

道經山左見民生自去歲休養之後漸有起色

朕心甚慰夾岸黃童白叟歡呼載道感恩叩謝

者日有數十萬今仲春之時麥苗未長所以無

妨倘回鑿之際正值農忙麥秀恐傷稼穡爾即

曉諭百姓稟免叩謝各務本業可也故手書特

諭

御製喜雨詩云乙酉南巡途間觀麥少雨上巳日

抵微山湖口聞春雨大霑因賦五言近體一首

以志喜農事徧東臯心閒不自勞開添濟運水
風送逐漁篙雨罩湖光隱春深日影高遙觀兩
岸麥樂志賦輕舠

命河臣張鵬翮提督臣張雲翼學臣張廷樞臣榮
恭和臣榮詩云

聖德徧林臯巡行不覺勞甘霖方應節春水已
盈篙夾岸歡聲起滿天

御氣高老臣慚獨後心急促輕舠先一日臣已奉
有在御舟前行之

昔是日

御舟仍泊丁廟閘處

駕滿漢諸臣所乘船隻皆集閘口臣舟不得前進
頭等待衛兼副都統馬武傳

昔令各船分泊兩岸送臣舟從
御舟旁經過在前行走

初六日自丁廟閘開行過臺兒庄入江南境過
邳州是日忽病痰喘

初七日過宿遷泊桃源

初八日渡黃河
御舟泊清口關工

初九日

駕進淮城 駐蹕漕臣衙門 鄉民進獻食品 溫
諭不收 蘇松揚州皆然

初十日奉

旨 淮揚道李梅著調補淮徐道 淮揚道員缺 著將
張聖鐸補授

駕出淮城登舟過寶應至高郵

十一日 至揚州便益門泊

十二日

駕幸天寧寺復登舟至茱萸灣 駐蹕行宮

御製述懷詩云朕每至南方覽景物雅趣川澤秀
麗者靡不賞玩移時也雖身居九五樂佳山水
之情與衆何異但不至曠日持久有累居民耳
所以一日即過者亦恐後日錯借口實而不知
所以然也至于茱萸灣之行宮乃係鹽商百姓
感恩之誠而建起雖不與地方官吏但工價不

不數千、嘗覽漢書文帝惜露臺百金、後世稱之、
况為三宿所費、十倍于此乎、故作述懷近體一
首以自警、又粘之壁間、以示維揚之衆、又駐塔
灣見物華、先存葑屋、重桑麻、惠風徧拂、維揚市、
沛澤均霑、吳越家、作鑑道君、開艮嶽、長嘯煬帝、
溺瓊花、洗胸經史、安邦用、莫遣爭能、縱慾奢、

十三日

駐蹕茭萸灣

行宮、臣病稍愈、赴

行宮、恭請
聖安

且賜督撫諸臣克食傳

昔揚州府知府左必蕃、原係監察御史、此等官員、

俱經內陞、將伊亦着內陞、仍管揚州府知府事、

十四日、自茭萸灣開船、

駕幸金山傳

昔明日往蘇州

十五日

御舟進京口過丹陽

十六日過常州抵無錫

十七日

駕幸蘇州駐蹕行宮

上問巡撫病好了麼臣奏云恭值

皇上萬壽臣病已好了只是氣虛些

十八日

萬壽聖節諸臣赴

行宮前行禮侍衛伍升捧出

御筆書扇二柄一墨書金扇一金書_{石書}白扇俱

御製柳梢青詞云可與宋巡撫看臣即跪求蒙

賜金扇一臣復奏云臣蒙

賜御書甚多但未有泥金書此扇乞并賜臣

上另用泥金於石青扇上書微山湖口

御製喜雨詩一首賜臣因前扇所書皆一詞也

御製柳梢青詞云大塊光風春疇一望滿自從容

桂棹初搖牙樯始立淑色烟籠口隄邊對賓

鴻村庄裏安平氣融樂志情深讀書意遠與古

和同奏事存柱等傳

昔朕有編輯資治通鑑綱目一書是朕親閱過六
次者巡撫有力量刊刻麼朕叫李煦替你臣奏
云臣蒙

聖恩優渥無可報効此書情願刊刻無庸李煦幫
臣進

呈書畫等物

此收七種

上云你是有年紀的人今偶抱病不必在此伺候
回衙門去安選此就是明日往虎丘後日到松
江浙江亦不必隨去臣奏云松江是臣所屬
聖駕巡幸自然該隨去奉

上諭江南督撫學院上下兩江舉貢監生生員人
等有書法精熟願赴內廷供奉抄寫者報名齊
集江寧蘇州二處回鑾日親加考試晚刻侍衛
五傳

昔巡撫宋榮是老臣凡有自用的小菜不妨進來

十九日進

皇輿表四十部、並小菜點心八種、以後每日恭進、駕幸虎丘、途次微雨、即回、奏事治儀正存柱、藍翎來保傳。

昔問扈從各督撫、浙江學院靳讓、居官何如、臣舉奏云、靳讓係臣同鄉、素不相識、然江浙咫尺、聞其考試至公、真不要錢、諸臣同此覆奏、隨奉

旨、傳讓至行宮前、特加獎勵。

上發全唐詩一部、命江寧織造臣曹寅校刊、以翰

林彭定求等九人分校、照常陞轉。

御書秦伯廟匾至德無名、子游廟匾文開吳會、

二十日

上命內臣梁九功捧出

御製松花石硯一方、並匣、雕刻精妙、銘云、惟靜以為用、是以永年、賜臣云、此硯止有兩方、留一御用、一以賜爾、此是獨賜爾的、他日分賜諸臣、爾還有分、又

賜高麗參一斤、土木參一斤、臣又進書畫等物、

上收五種

上徧賜將軍督撫諸臣食品有差奉

旨宋華是老臣與衆巡撫不同著照將軍總督一
樣頒賜計活羊四隻糟雞八隻糟鹿尾八箇糟
鹿舌六箇鹿肉乾二十二束鱈魚乾四束野
雞乾一束哈密瓜四箇瓜乾二盤瓜乾餅一箇
瓜乾二片瓜乾二條阨者黑奶皮餅一袋枯勒
白奶餅一袋阿兒占酒一瓶玻兒多蘇酒一瓶
二十一日

賜臣御窰白玻璃魚缸一箇洒金藍玻璃瓶二

箇藍玻璃盤一面黃玻璃小盤十面藍玻璃花
筆筒一箇白玻璃小魚缸一箇藍玻璃座藍玻
璃水丞一箇

駕幸虎丘傍晚回

行宮

賜督撫諸臣克食

二十二日早

賜督撫諸臣克食內閣覆奏常熟縣民婦吳氏叩

關告廢吉士趙徵介一案交巡撫審理奉
旨依議內南書房傳

旨命巡撫將進過冊頁人員近蘇州者回鑿日考
試近江寧者在江寧候考地方文武及外省扈
從各官紳士方外諸臣懇求
御書或匾額對聯

上擇而賜之凡諸臣進獻文玩量收一二松江江
寧揚州皆然

二十三日

上以詩字考試江西巡撫李基和江南學院張廷
樞及江南藩臬以下州縣以上各官

上登舟出葑門晚泊崑山縣

二十四日

駕幸崑山晚泊葑葭浜松江府屬貢監生員孫鏞
等奏稱青浦縣有孔宅為隋末孔子三十四世
孫蘇州刺史禎葬先聖衣冠處求

御書匾對傳

旨赴松江伺候

二十五日

駕幸松江府 駐蹕小教場

二十六日

上出行宮左右開弓射

皇太子 十三阿哥同射內大臣侍衛在外督

撫文武各官以次進射

二十七日

上賜督撫諸臣克食復至小教場較射臣在旁侍
立

上令侍衛五時傳

昔巡撫是有年紀的人今又偶病在日中晒恐頭
暈可往後坐臣奏云

皇上神箭臣見所未見忘其為病

上射畢令各官兵射又傳

朕已射完了巡撫可回去歇歇

方孝孺忠烈名臣匾

賜明董其昌芝英雲氣匾題云華亭董其昌書法
天姿迥異其高秀圓潤之致流行於楮墨間非
諸家所能及也每於若不經意處丰神獨絕如

微雲卷舒、清風飄拂、尤得天然之趣、嘗觀其結構字體、皆原於晉人、蓋其生平多臨摹閣帖、於蘭亭、聖教序、能得其運腕之法、而轉筆處、古勁藏鋒、似拙實巧、書家所謂古釵腳、殆謂是耶、顏真卿、蘇軾、米芾、以雄奇峭拔擅能、而根柢則皆出於晉人、趙孟頫尤規模二王、其昌淵源合一、故摹諸子、輒得其意、而秀潤之氣、獨時見本色、草書亦縱橫排宕、有古法、朕甚心賞、其用墨之妙、濃淡相間、更為變絕、臨摹最多、每謂天姿與

功力俱優、致此良不易也、康熙歲次乙酉三月、南巡駐蹕松江府書、其昌孫建中、候選州同、奉

旨、有缺即用、傳

諭、明日啓行、官紳士民、跪請留

駕、

允留一日、

二十八日、

御書聖蹟遺徽四字匾、澤及魯邦、四海均霑化育、裔分吳會、千秋永世、蒸嘗對聯、

頒賜孔宅先令諸臣衆生員在

行宮門前展閱畢復傳學臣教官各生員進

行宮面諭諸生勉力讀書如願在內庭書寫者報

名候考

上硃書手諭諭江南總督阿山巡撫宋榮朕為兩
河告成楊家庄新河建閘故來巡視因爾等同
地方士民所請過江而南見百姓雖不能家給
豐裕且幸安居樂業而無菜色朕心少慰矣編
氓皆吾赤子數十年休息培養民雖至愚皆已

深知所以扶老携幼日計數萬隨身擁道歡聲
洋溢者降衷之誠也但人多路隘菜花麥秀徧
地青苗不能保其無損朕甚惜焉爾等即出示
曉諭萬勿踏壞田苗有負屢念特諭

賜督撫諸臣克食

上出南門閱黃浦江

上見臣同諸臣在

行宮前侍立令頭等侍衛兼副都統馬武傳
音巡撫在此歇歇罷不必隨駕傍晚

駕旋臣至

行宮前恭迎復蒙賜諸臣克食

上諭動正項錢糧賞提標六營兵丁一月餉銀

二十九日

駕幸侍郎王頊齡尚書王鴻緒東西兩園由西門

跨塘橋登舟幸浙江臣於河干跪送

上在船望見令內臣梁九功傳

旨巡撫可在蘇州等著

四月初一日臣回蘇織造臣李煦賚到

御書三種云

聖駕啓行時留以賜臣一福壽二大字題云江寧

巡撫宋榮年逾古稀步履壯健故特書福壽二

字賜之又見臣請

賜魚麥堂三大字匾見孫敬舞詩書內鄉黨優游

禮讓中對聯

十二日

上自浙回鑾臣於吳江三江口跪迎

上問你病好了麼、臣回奏云好了、又
問全好了麼、奏云全好了、又
問頭不暈了麼、奏云不暈了、
上見臣僕跪岸傍橋下、
諭云、你們起來、接巡撫去罷、

駕進蘇州行宮、臣恭謝

御書之賜、賜督撫諸臣克食、

十三日早

賜督撫諸臣克食、臣進

皇輿表六十部、具摺進、臣選刻江左十五子詩、並
薦吳士玉、顧嗣立、宮鴻曆、郭元釭、張大受、才學
素優、請

賜考試奉

旨、俞允、午後復

賜諸臣克食、

十四日、臣求家祠匾額、蒙

賜世有令儀四字

遣掌院學士揆叙赴府學考進冊頁及願赴
內廷抄寫人員傳

昔郭元鈺等十人前已考過優獎今不必再考

賜督撫諸臣克食二次

十五日梁九功傳

昔朕有自用豆腐一品與尋常不同因巡撫是有
年紀的人可令御厨太監傳授與巡撫的厨子

為他後半世受用

賜臣地連江海屏藩重賦甲東南節鉞雄

對朕臣具摺請休求九功轉奏奉

旨巡撫摺子朕看過了仍發還

諭云巡撫說他不忍辭朕年寔衰邁求於

致仕後從伊子處奉朝請他不忍辭朕

朕亦不忍舍他且江南人亦不忍舍他

奈何他現校刻通鑑一二年後朕自有

定奪臣復奏云、校刻通鑑、臣子姪皆可代理、但既蒙

皇上如此眷注、臣亦不敢再辭、正擬謝

恩時、忽傳九功進內、又令宣諭云、朕思巡撫說的是、曰鑿後、自有定奪、臣遂叩

頭謝

恩訖、兩廣鹽院色克圖題奏、兩廣運使陸魯、虧空庫銀四十餘萬、內有那發商人銀兩、請將陸魯等革

職奉

旨、交江南江西閩浙督撫議奏、應否即行革職、臣等會議得、兩廣鹽臣所奏陸魯等、虧空庫銀、若即革職、恐虧空錢糧、難于清完、應行兩廣督臣審追奉

旨、陸魯王用、俱着暫免革職、虧空庫銀情由、該督審明追完銀兩、具奏、該部知道、吏部覆江西學道劉琰、考察各冊、並未詳查、任意訛寫、明係頂替濫取、應照才力不及例降調奉

旨劉琰居官如何、詢問江南江西督撫、臣等同奏、
劉琰前任江寧知府、居官好、今陞江西學道、居
官亦好、奉

旨詢問江南江西總督、巡撫、奏稱劉琰居官好、劉
琰著從寬免處分

賜督撫諸臣克食二次、傳

諭明日啓行、官紳士民跪請留

駕、先留二日、

十六日、

上賜臣油綠龍紋緞袍一件、石青素緞褂一件、秋
帽一頂、石青緞靴一雙、寶石藍緞襪一雙、松花
江大綠端硯一方、臣

進綾紙筆扇、蒙收用

賜督撫克食二次

十七日、取中考試人員汪泰來等五十一人、同
前考郭元舒等十人俱赴

行宮引

見各

賜御書石刻孝經一部

賜督撫諸臣克食二次又

特賜臣鹿尾五箇鹿舌七箇野雞乾七束浙魯魚乾一袋七星魚乾一袋柳條魚乾一袋

十八日

駕出蘇城登舟北上

十九日至無錫縣

駕幸惠山午後登舟抵常州時麥苗茂盛望雨甚

殷御舟過時甘霖大霑

二十日抵丹陽時河水淺澁重運糧艘尚未出京口御舟到時河水驟長二尺

二十一日抵京口登陸

駐蹕龍潭

二十二日

駕幸江寧省城

二十三日

遣戶部尚書徐潮致祭明太祖陵鄉民進獻食品
蒙收新麥一盤

二十四日考試進冊頁人員江寧一帶久未得
雨是日甘霖大霑

賜句容三茅觀第八洞天匾漢蔣子文廟沛澤庇
民匾鷄鳴寺鷄鳴古蹟匾宋程顥祠接統濂溪匾
國朝傅臘塔祠兩江遺愛匾

二十五日

駕幸報恩寺雨花臺傳

諭明日啓行官紳士民跪請留

駕允留一日

上命江寧知府陳鵬年恭和

御製回舟至常州甘霖大霑詩

二十六日

上諭諭江南總督阿山江寧巡撫宋榮安徽巡撫
劉光美朕念切民生凡巡幸所經之處諮詢利
弊訪問官方未嘗少懈向因江浙人情好尚詞

訟因而傾家敗業者往有之邇來習俗頗覺
淳厚詞訟已減大半生聚稍加繫殷雨暘有時
麥田茂美朕心甚慰念江寧安徽錢糧已經節
次蠲免今車駕親臨特頒沛澤將江寧安徽所
屬地方人犯亦應照浙閩加恩槩從末減可將
康熙四十四年四月二十六日以前凡罪犯詔
款不應赦者不赦外其餘死罪以下已發覺未
發覺俱着減等發落四十三年秋審奉旨監候
緩決者一併減等發落仍開具人數奏聞蓋普

天赤子咸在化育之中縲紲愚民亦有自新之
路爾等其體朕矜恤黎元慎重民命之至意即
詳恪察明遵行特諭

駕幸演武場較射

上與

皇太子 十三阿哥及內大臣侍衛總兵以下
各官依次進射

三十七日

回鑾

上詣明太祖陵經靈谷寺至龍潭登舟

二十八日

駕從龍潭登陸至高脊地方復登舟順流而下

駐蹕金山

二十九日

賜漢焦先山高水長匾宋周敦頤理明太極匾米

芾寶晉遺踪匾宗澤忠盡永昭匾陸秀夫忠節

不磨匾

國朝羅明昇奮勇致身匾明昇南陽人鎮江營都

司順治己亥海寇入犯戰死談家洲傳

諭明日啓行大學士張玉書同各官跪請留

駕先留一日

三十日

駐蹕金山

上書唐張祐龍出曉堂雲對聯未竟有龍自雲端

蜿蜒而下長數丈萬目驚觀嘆為百靈効順寺

僧奏云龍掛

上云此龍見也

閏四月初一日

上渡江 駐澤茱萸灣

行宮先一日高旻寺塔放光

初二日

賜漢董仲舒正誼明道匾宋胡安國經術造士匾

歐陽修賢守清風匾取中考試人員錢榮世等

七人赴

行宮引

見

初三日傳

諭明日啓行各官及紳士商民跪請留

駕先留二日

初五日臣請

皇上萬安梁九功傳

甘問巡撫好麼臣奏云臣好九功又傳

諭江南地方寒暖不時朕加意調攝飲食止七八

分飽連日甚好有暇但寫字耳昨

皇太子來請安稱朕懷抱恬適竝無一些火氣

初六日、~~車~~進字畫等物。

~~十~~牀十種。御舟自萊蕪灣北上。

初七日、早過高郵。

御舟晚泊淮安南黃浦地方。

初八日、

駕幸淮城。駐蹕漕臣衙門。

初九日、

上登舟泊清口。

初十日、

駕往高堰閱工。

上諭淮徐道李梅病甚、留一大夫照看、可去之時、

即帶至京師、這員缺緊要、着將天津道蔣陳錫

調補。

十一日、

駕幸惠濟祠閱工、渡黃河。

十二日、

駕幸桃源九里崗閱工。

十三日、過宿遷。

十四日泊臺兒庄

十五日

御舟至夏鎮時臣先往珠梅關伺候將軍督提司道諸臣在夏鎮恭請

聖訓

此傳各官至

御舟旁

面諭武官須訓練兵馬文官須安靜奉職地方自有公論非可矯飾干譽諸臣叩謝畢赴前途候

駕

十六日

駕過珠梅關

且見總漕桑格臣犖在岸站立

問爾等因何在此桑格奏云臣願送

皇上進京臣犖奏云臣願出境遠送

上云巡撫可即留此總漕送至濟寧臣犖隨同將

軍諸臣前行將五里許梁九功飛馬前來賈

御書製硯說一卷賜臣傳

昔爾居官狠好，向賜爾御書甚多。今又特賜爾製硯說一卷，竝賞。

御製高旻寺詩

皇太子

皇十三子及諸臣恭和詩。令臣賞送織造曹寅，勒石寺中。臣隨至。

御舟前面陳感戴之私，叩頭恭

謝。復同將軍督撫提鎮諸臣在岸跪送聖駕。

御製製硯說。盛京之東，砥石山麓有石礪，質堅而溫，色綠而瑩，文理燦然，握之則潤液欲滴，有取作礪具者，朕見之，以為此良硯才也。命工度其小大方圓，悉準古式，製硯若干方，磨礪廉試之，遠勝綠端，即舊坑諸名產亦弗能出其右。爰裘以錦匣，臚之斐几，俾日親文墨。寒山磊石，洵厚幸矣。顧天地之生材甚夥，未必盡見收于世。若此石終埋沒于荒烟蔓草，而不一遇，豈不大可惜哉！朕御極以來，恒念山林藪澤必有隱伏

沉淪之士、屢詔徵求、多方甄錄、用期野無遺佚、
庶愜愛育人材之意、於製硯成而適有會也、故
濡筆為之說、甲申中秋日錄、舊作製硯說於避
暑駐蹕山莊、故又記之、

御製詩、朕覽奏章少倦、甲夜得寢、又被清磬驚醒、
復睡、夢中作成、起時已忘少半、故前後增補、以
成四韻、賜紀蔭老和尚、邇來未臨法書、久不作
字、手澁難於運管、字不甚佳、春夢深沉、新剎中
陡聞清磬、在隣東方、疑般若真非相、不解金經

盡是空、鼻豎眉橫、無著落、曾寬意、潤有塵籠、毫光
咫尺、臨高眺、滿目江干、淑景融、康熙四十四年
歲次乙酉三月中旬書、

皇太子恭和、問俗民風、指點中群情、常望九霄
東、

鑿與整憇先觀禮、

聖景無為盡妙空、新剎重、晴旭照、

御書燦、曉烟籠、露盤梵、唄經行處、浩蕩天光瑞
氣融、

皇十三子恭和六經蘊績五雲中應現聲揚
寶寺東月殿相輝長夜朗仙衣涵影見方空偏
疑浮玉江干外始信天邊曙色籠

聖藻新題憐老衲招提靈宇露光融大學士臣張
玉書恭和江表春回指顧中廟謨已障百川
東眼前耕鑿經綸密物外烟雲色相空浪靜無
聲禪欲定山環如黛月初籠

宸懷契合垂天藻光燭高旻萬象融予告大學
士臣張英恭和江郭祇園一水中高僧石隱市

塵東忽瞻

御藻垂霄漢彌望天花落半空清澈機鋒塵界靜
光明色相紫雲籠試看佛日照回處紺宇千秋
景物融大學士臣陳廷敬恭和江淮河漢禹功
中歲月虞巡正向東天地平成元寶相乾坤俯
仰自高空

帝心勤與茅簷運

聖藻還將法界籠花雨曼陀迎輦道三春恩共
萬方融戶部尚書臣徐潮恭和

宸遊端為屋窠中、偶憇江臯梵室東、境靜真如常在日、心清貝葉若聞空、繽紛

霄藻天花落、璀璨瑤箋瑞靄籠、仰視璇題思

聖德、高旻萬象盡昭融、禮部侍郎臣胡會恩恭和

法駕初臨紺殿中、和風甘澍滿江東、一聲清磬傳

虛籟、萬片香雲湧碧空、寶地河山佳氣統、銀灣

草木瑞烟籠

宸章題就真如徹、極望春暉到處融、掌院學士臣

揆叙恭和、蓮漏沉、月正中海潮音徹大江東

皇心默與天心合

聖性真如佛性空、金磬聲傳三界靜、玉毫光現五

雲籠、禪房萬載留、鴻寶花木長看瑞氣融、侍

讀學士臣查昇恭和

玉輦平臨法界中、茱萸灣水接江東

宵衣未穩三更夢、清磬初傳萬慮空、墨灑金輪花

雨濕、詩垂寶笈絳雲籠、佛光長護升恒壽、照徹

山河萬象融、侍講學士臣陳壯履恭和、梵刹平

涵水月中、浮圖高峙海雲東、六時花雨飄金界

五色龍文下碧空、心印早恭真諦徹、禪關長
見瑞烟籠山僧捧作山門鎮、奎璧光芒並日融
編修巨揚瑄恭和初停、仙澤化城中、清磬冷
冷隔院東、神悟獨能超夢覺、片塵端不染虛空
光分蓮炬星芒映、香散銀毫月影籠、一自
天章揮灑後、千秋佛日倍昭融、編修巨勵廷儀恭
和、雲馭重經丈室中、天花繚繞日初東、靈山老
衲窺真乘、當代如來指性空、萬象總歸心鏡照
纖塵無著月華籠、碧琉璃界揮

宸翰墨彩慈光一片融、編修巨高興恭和金輪覺
世日方中、淨域瑠璃峙海東

聖主心隨清梵遠、鴻篇響振法雲空、香風縹緲
播徐動、瑞靄縈迴塔半籠、共慶

君王無量壽、莊嚴寶藏妙光融、檢討巨張廷玉恭
和

行宮高敞柳陰中、紺宇弘開輦路東

聖主詩成雲滿室、老僧心定月當空、天花散處香
風繞、寶墨懸來瑞色籠、羣向下方聞妙諦、四

時法界總春融編修臣錢名世恭和
駐輦題詩鹿苑中詞源直湧百川東人天擁衛禪
襍闡翰墨游行性海空實語單提脊警省大衆
千卷盡牢籠沃洲老衲來恭學拜誦
宸章宿解融編修臣蔣廷錫恭和古刹重輝舜日
中奎光永鎮蜀岡東寺門當水分三面塔勢干
雲入半空洒翰下方霑法雨超心初地脫樊
籠山僧親奉如來語從此禪關似雪融戶科掌
印臣湯右曾恭和省方鑿輅慶雲中浩、恩波

滄海東羣仰至仁周宇宙高懸妙悟照虛空香
臺瑞雨朝初潤花界祥烟晚更籠傑閣江山傳
康藻毫端萬象入冲融舉人臣賈國維恭和寶刹
高懸法界中宗風分派闡江東閒雲裊磬來精
室妙諦拈花散碧空宿垢應知無色相香臺何
處有樊籠欣逢

聖澤輝煌日淨域同瞻氣象融

二十六日旋蘇具奏謝

恩

西坡類纂卷四十二終

孫乾金校字



西坡類纂

卷之三

